

# გარდაქმნა შენი თავით ყნება დაიწყე!

ეროვნული ბიბლიოთეკა

ნ.ბ. ჯ. ლოლუასი

სინდის-ნაშუსი



ურთიერთი ღირსება



სიბყვე+საქმე



ვერსიონი ხარისხი



ბერბილიანობა



ახალი ჯიშისებრი



— ეს ფულის მშობნადი თავი რომელ თავში გაგვხვდება?!

ISSN 0132-6015

საქართველო

1988

17

საქართველო



# სენსენი

## იუმორესკა

ბეცი უნდა იყო ადამიანი, რომ ვერ ხედავდე იმ სიკეთეს, რაც ამ ბოლო დროს თბილისელი მოქალაქის მომსახურების სფეროში ხდება. და მაინც ცოტა როდია ენაჭარტალა და უბედური, კრიტიკანად დაბადებული კაცი — ნიადაგ მობუზღუნე, სულ უკმაყოფილო.

შემხვდა ერთი მათგანი გუშინინ. გამაგებინე ერთიო, მითხრა, ხინკალი თვითონ ნეგატიური მოვლენა არის თუ არაო?! — თვითონ ხინკალი, როგორც ასეთი, არა-მეთქი, — გულუბრყვილოდ მივუგე. რატომ გავუშართეთ, აბა, ასე ენერგიული ბრძოლა ხინკალს, ქაბაბსა და ხაშა თბილისშიო?! — არ ვიცი, რას გულისხმობ-მეთქი, მხრები ავიჩეჩე. — ჭურში ზიხარო, — გაიცინა, — „ველიამინოვის“ ხინკალი წამლადაც არ იშოვება თბილისში, ხაშზე ხომ „ხაშისტებიც“ კარგა ხანია აღარ ოცნებობენო.

სხვა დროს კამათს არ დავუწყებდი, მაგრამ წავა და ამ ცრუ შეხედულებას სხვას გაუზიარებს. მოიხედე აქეთ-მეთქი. მოიხედა და ვუთხარი: — უმაღლესი კლასის რესტორნები აშენდა და შენ სახინკლებს მისტირი?! „ველიამინოვის“ სახინკლე თუ მოშალეს, განა სანაპიროზე არ გაგიხსნეს

ლუდის ბარი?! ჭამე, რამდენი ქაბაბ-ხინკალიც გაგიხარდება! — შენო ჭურში ხომ არ ზიხარო, — გაიოცა, — იმ ლუდის ბარში კარგა ხანია, მარტო ლუდს და დასაყოლებლად მაკარონისებურ მარილიან პურს ყიდიან, თევზს, ქაბაბსა და ხინკალს (გინდაც სოსისას), ჭიპზე რომ გასკდე, არ მოგართმევენო! — არ მოგართმევენ და ძალიანაც კარგი, შენ ყველაფერს ხომ არ აგიხსნიო, ჯიბეს იაქელებდნენ მავანნი და მავანნი ხინკლით და ქაბაბით, გაატყავეს, გაალარიბეს პატიოსანი მომხმარებლები. ამიტომაც გადავუჭერიო ფულის შოვნის არტერია, დავუკეტეთ სალუდე-სახინკლე-საქაბაბეები-მეთქი, ვუთხარი მე. — ვისაც ხინკალი უყვარს, იმან რა ქნასო?! — მითხრა მან. შედი, შემამაცხოვნებულო, ფეშენებელურ რესტორანში. მართალია, სახინკლესთან შედარებით უფრო ძვირი დაგიჯდება, მაგრამ ქე მაინც დაჯდება წეაიერად, დაილაპარაკებ ადამიანურად-მეთქი. რამ შეგაყვარა ეს გაურეცხავი ხაში-მეთქი. ისე სინდისგარეცხილია, ვერც ახლა ჩასწვდა მის მიმართ ჩადენილ სიკეთეს. — ხაშსა და ხინკალს მაინც თავისი ადგილი აქვსო. თბილისის კოლორიტი იყო ხაში და


ხინკალი (ელაპარაკე ახლა ამას!), თუ ამ ფრონტზე მექრთამეები და ნამგლეჯები მომრავლდნენ, სწორედ ისინი უნდა გაგვეუქმებინა და არა სახინკლებიო. რა არ ვუთხარი, საკუთარი თეფშის იქითაც უნდა გაიხედო ხანდახან, შენაირებია, წინავლაში რომ ხელს გვიშლიან, რა ქაბაბი და ხაში აგიტყვდა, შენ რომ იცოდე, ხინკალი, ბერავს ადამიანს და ჰიპერტონიულ დაავადებას ინვევს, ლუდის უზომო სმა და ქაბაბის „უპრაგონოდ“ ჭამა თირკმლებს აზიანებს-მეთქი.

ამ ჩხუბსა და კამათში ქე მომშვიდა. სამი მანეთი მიდევეს ჯიბეში, მაგრამ რად გინდა! სახინკლე რომ იყოს სადმე ახლოს, კიდევე შო, იოლად გამოხვალ კაცი: ორ ლუდს, თხუთმეტ ხინკალს და ერთ ქაბაბს იყიდი და ქუდი ჭერს ურტყი, თუ გინდა!.. რეატორანში სამი მანეთს აკადრებ?! —

დავემშვიდობე ანტიპოდს და ავტობუსის გაჩერებისკენ მოვეურცხლე. ჩემი სიდედრის გაკეთებულ სადილს რამე სჯობია?! აი, ჩვენი მომსახურების სიკეთე!.. დამშვიდობებული რომ არ ვიყო, მოვაბრუნებდი და ვეტყვოდი: — შინ ვისადილებ, ამით რამდენ ჭკვიანურ საქმეს გავაკეთებ, რომ იცოდე: ჯერ ერთი, ეს სამი მანეთი ხომ გადამირჩება, მუცელი არ გამეჭურება და ჯანმრთელობის საქმესაც წინ წავწევ, სიდედრს გავახარებ ჩემი ნახვით და ცოლსაც გავათავისუფლებ ამლამინდელი უსაფუძვლო ეჭვიანობისაგან!

არაჩეშია

ნახ. 3. კუცინასი



უსიტყვოდ





— გეყოფათ! ჩემი კოოპერატივის ახლოს გავლილი არ დაგინახოს!

# კოკა ფაროზი

ტყდება!.. ეროვნული გიზლირთქას

მინას მიიჩნევს ქალამნად,  
 ცა მიაჩნია ქუდად,  
 ძალიან ცუდზე კარგად წერს,  
 ძალიან კარგზე — ცუდად.  
 ადგილზე მოიკალათა,  
 კრახანასავით დადის,  
 არ დაიქანის უბრალოდ,  
 „საქმით ამშვენებს“ ქადილს.  
 მისთვის სარფიან ადგილებს  
 ქორივით გადაუფრენს,  
 არ გაიმეტეს ერთხელაც,  
 თუმც ბევრჯერ კი მიუხვდნენ.  
 ცხვარი, გოჭი და ბატკანი  
 მგელივით „ეჯავრება“,  
 ვინ შეძლებს იმის „ნაღვანის“  
 ბოლომდე შეჯამებას?  
 ცაც აღარ უნდა ქუდად და  
 მინას ქალამნად ჩათვლის?  
 დაუსჯელობის წყალობით  
 მადა გაეხსნა დათვის.  
 ის კი არ იცის საბრალომ,  
 კოკა წყალზე რომ ტყდება,  
 მისებრ სხვის ხარჯზე  
 მცხოვრები  
 სამსჯავრო სკამზე ჯდება!

სახსნია გოგოლაშვილი

# ყაიქა წითლქანის წყალი

ჩანახატი

უმაღლესი სასწავლებლის სააქტო დარბაზი ხალხით იყო გაჭედილი, იყვნენ პროფესორ-მასწავლებლები, მოწვეული პირები, უმრავლესად — სტუდენტები, იგრძნობოდა საზეიმო განწყობა.

ტრიბუნაზე ახალგაზრდა დოქტორი იდგა, იგი პათოსით ლაპარაკობდა ახალგაზრდობის აღზრდის პრობლემებზე და დირიჟორივით ატრიალებდა ხელში წითელ ფანქარს. სიტყვა მაღალფარდოვანი მონოდებით დაასრულა და კათედრიდან ჩამოვიდა. შემდეგ, თითქოს რაღაც მოაგონდაო, ოდნავ შეყოვნდა, ხელის სწრაფი მოძრაობით „ბორჯომის“ ბოთლი ჭიქაში ჩააპირქვავა, პირთამდე აავსო და მოსვა, ტუჩები ენით მოილოკა, ნახევრად მოსმული ჭიქა კათედრაზე დატოვა. თავმჯდომარემ, მსუქანმა, მელოტმა პროფესორმა, სიტყვა აკადე-

მიკოს მსუქნიშვილს მისცა, რომელიც იმ ორატორის სადოქტორო შრომის ოპონენტი იყო, ახლახან კათედრიდან რომ ჩამოვიდა.

მსუქნიშვილი ნელი ნაბიჯით ავიდა კათედრაზე, ლაპარაკობდა წყნარად, დამაჯერებლად. სიტყვა მეცნიერულ სინდისზე რომ ჩამოაგდო, ხმა ჩაეხრინნა და ანაზღად თვალი კათედრის მარჯვენა კუთხეში მდგარ ჭიქას შეავლო — ელექტრონის შუქზე ბორჯომის წყალი მიმზიდველად იბუშტებოდა.

მსუქნიშვილი ბუნებით ფაქიზი ბრძანდებოდა, მან იცოდა, რომ ჭიქაში იმ წყლის ნარჩენი იდგა, მისმა წინამორბედმა ორატორმა რომ დატოვა; ჯერ გადაწყვიტა დაეძლია ის ზიზლი, რომელსაც მასში ჰიგიენური არაეთიკურობა იწვევდა, მაგრამ რაკი ვერ დაძლია, არჩია აელი აელო სიტყვის გაგრძელებ-

ბაზე. აუდიტორიისათვის გაურკვეველად რაღაცა ჩაილაპარაკა, ტრიბუნიდან ჩამოვიდა და უკმაყოფილო სახით დაიკავა ადგილი მაგიდასთან, სადაც პრეზიდენტი წევრები და საპატიო სტუმრები იხსდნენ.

ტრიბუნაზე ორატორი ორატორს ცვლიდა; ერთმა ორატორმა, რომელსაც უკანიდან საგულდაგულოდ გადმოვარცხნილი თმის ლერები შუბლზე შქონდა დაკრული, ნაკლული ჭიქა შეავსო, მოსვა და კვლავ კათედრაზე დატოვა. მომდევნო ორატორმაც ასე გაიმეორა, იმის მომდევნომაც... სხდომამ გვიან ლამემდე გასტანა. საკითხისადმი საერთო ინტერესი ძალიან დიდი იყო, — მომავალი თაობის მორალური და ეთიკური აღზრდის პრობლემებს იხილავდნენ!

გ. ბორჯომელი





ბაზრის, როგორც გაცვლა-გამოცვლის ერთეულის შექმნის იდეა, ალბათ, მაშინ ჩაისახა, როცა მავანმა უდარდელად ჩაილიღინა: „თხა გავყიდე, თხა ვიყიდე...“ ასეთია თეორიული თვალსაზრისი, პრაქტიკულად კი ბაზარი, ალბათ, მაშინ შეიქმნა, მაიმუნი რომ ხიდან ჩამოვიდა, ხელში კომბალი დაიჭირა, ადამიანად იქცა და სხვა ადამიანს ქვაში გაუცვალა კომბალი. რაც შეეხება საკოლმეურნეო ბაზარს, იგი კოლმეურნეობასთან ერთად ჩამოყალიბდა და იმიტომაც არის ზოგიერთ კოლმეურნეობასავით უპატრონოდ მიგდებული. თუმცა, ნუ შევექმნით „ბაზარს“ და ყველაფერი რიგის მიხედვით მიმოვიხილოთ.

დღეს თბილისში 9 საკოლმეურნეო ბაზარი „ბაზარობს“, რომელთა შორის სავაჭრო ადგილების მიხედვით პირველობენ 1 მაისის რაიონისა და 26 კომისარის (ნავთლუღის) საკოლმეურნეო ბაზრები. პირველობას ისინი არც იმაში თმობენ, რომ თითოეულ სავაჭრო ადგილზე ორი და ზოგჯერ მეტი ადამიანი ვაჭრობს. მაგრამ რა ჰქნან ყოფნა-არყოფნის ზღვარზე გარინდებულმა ბაზრის მესვეურებმა, თუ თბილისის საქალაქო საბჭოს მიერ შემუშავებულ დებულებაში უწერიან, რომ მაქსიმალურად უზრუნველყონ ქალაქის მოსახლეობა სასოფლო-სამეურნეო პროდუქტებით? წინ ხომ ვერ აღუდგებიან კოლმეურნეთა სურვილს, ივაჭრონ რკინიგზის სადგურებთან ახლო მდებარე ბაზრებში. მით უმეტეს, თუ სპეციალური სატრანსპორტო სამსახური იმდენად მყარად ვერ დგას საბურავებზე, რომ კოლმეურნეები სხვა ბაზრებში გადაიყვანოს. ჰოდა, ჰგვანან ბაბილონის გოდოლს I მაისის რაიონისა და ნავთლუღის ბაზრებში, ერთმანეთს მიყუყვიან გამყიდველები, უწყვეტ ნაკადად მოედინებიან ხელ-დამძიმებული მყიდველები და ასეთ ორომტრიალში შეიძლება გასაყიდი სპილო, ან ნაყიდი აქლემი დაგეკარგოთ.

გამოსავალი მხოლოდ ნავთლუღის ბაზარს აქვს, ისიც იმ შემთხვევაში, თუ მისი სავაჭრო ფართი გაიზრდება იქვე მდებარე გამოთავისუფლებული ტერიტორიის ხარჯზე. პირველი მაისის რაიონის ბაზარს კი ამგვარი პერსპექტივა არ გააჩნია, რადგან მრავალსართულიანი საცხოვრებელი სახლებითა და წარმოება-დანეხებულებებითაა გარშემორტყმული. აი, დაშენებაზე რომ იფიქრონ, ეტაპობრივად, რა თქმა უნდა!..

„ამ უკანასკნელ დროს საქონლის ჩარჩაბის რიცხვი საშინლად გამრავლდა. ნავთლუღის მცხოვრებანი თითქმის მთლად ჩარჩაბად გადაიქცნენ, ეს ჩარჩაბი ვაჭრებს თითქმის ხელიდან აცლიან საქონელს ძალათი...“ დაახლოებით 90 წლის წინათ გაზეთ „ივერიაში“ გამოქვეყნებულ წერილს სქოლიო რომ მოაშორო, გრამატიკის თვალსაზრისით თუ ჩათვლის მკითხველი არქაულად, თორემ შინაარსობრივად დღევანდელი დღის სურათად მიიჩნევს. რა კოდექსებითა და პარაგრაფებით არ

დასდვენ ჩარჩებს ბაზრის მესვეურები და მილიცია, მაგრამ სპეკულანტის გოდოლი მხოლოდ მას შემდეგ შეირყა, როცა ბაზრებში ჩამოყალიბდა სასოფლო-სამეურნეო პროდუქტების შემსყიდველი და სარეალიზაციო პუნქტები, გლეხებისაგან რომ შეიძენენ პროდუქტებს და მოსახლეობისათვის ხელსაყრელ ფასში ჰყიდიან. ჩარჩობა სპეკულაციაა, და სპეკულაციას ადმინისტრირებით კი არა, დეფიციტური პროდუქციის სიუხვით უნდა ებრძოლო.

— ამ პუნქტებს სხვა დადებითი თვისებაც გააჩნიათ!, — გვიხსნიან ბაზრის მესვეურები, გარდა იმისა, რომ კონკურენციას ვუნვეთ ბაზარში შემოსულ ხარბ გამყიდველს, ზედმეტი დროის დაკარგვისაგან ვათავისუფლებთ კოლმეურნეს, რომელსაც დახლთან დგომას ურჩევნია ერთიანად ჩაგვაბაროს პროდუქტი, თავად კი შინ დაბრუნდეს და საქმეს მიხედოს...

გარდა ამისა, მათ ხელშეკრულება აქვთ დადებული როგორც კოლმეურნეობებთან, ასევე ცალკეულ კოლმეურნეებთანაც, რომლებიც ამარაგებენ ბაზრებს სოფლის მეურნეობის პროდუქტებით. ეს კი კონიუნქტურას არეგულირებს...

ნებისმიერ საკოლმეურნეო ბაზარში ყურადღებას იპყრობს ასეთი საჩოთირო ფაქტი — იქ, სადაც ნესვი და საზამთრო იყიდება, ცივ მინაზე გაშლილ ფარდაზე სძინავთ მათ პატრონებს. გასაკვირი ამაში არაფერია, 10-15 ტონა საზამთროს ან ნესვს, ერთ დღეში, რიგი რომ გედგას, მაინც ვერ გაყიდი. მისი უპატრონოდ მიტოვებაც არ შეიძლება, რადგან სეზონის დასაწყისში თითო ნესვისა თუ საზამთროს ღირებულება 10-15 მანეთია. მათი ისე შენახვა კი, ქურდს რომ თვალი არ წასტაცოს, ვერ არის მოგვარებული. ამიტომ, იქნებ მოვახერხოთ, რომ პროდუქტიც საიმედოდ დაბინავდეს და მისი პატრონიც. ხომ არის ნავთლუღის ბაზართან სასტუმრო „სამგორი“, რომელიც ადრე საკოლმეურნეო ბაზარს ეკუთვნოდა, შემდეგ წაართვეს და კომუნალურ მეურნეობას მიართვეს. სასტუმროს ამით არაფერი შემატებია, ბაზარს კი ბევრი რამ დააკლდა. იქნებ ახლა მაინც იზრუნონ იქ, ზემო სართულებში, ისეთი სასტუმროებისა თუ ღამისათევი ადგილების მშენებლობაზე, სადაც მთელი დღის ფეხზე დგომით ქანცგანყვეტილი კოლმეურნე დაისვენებს?

ძალზე შორს გაგირეკიათო, დაგვაბრალებს მკითხველ-ბრალებული. მართლაც, თუ გავითვალისწინებთ, რომ ბაზრის მესვეურებს დღეს სრულიად ელემენტარული საკითხები აქვთ მოუგვარებელი, არ ჰყოფნით ინვენტარი, სასწორები, გირები და სხვა აუცილებელი ატრიბუტები, ამგვარი სურვილები შეიძლება ოდნავ გადაჭარბებულიც კი მოგეჩვენოთ. მაგრამ, ეს ხომ ბევრი ჩვენგანის ოცნების ნაყოფია, რომლის ხორცშესხმას აუცილებლად მოჰყვება მთელი რიგი პოზიტიური ძვრებისა საკოლმეურნეო ბაზრების საქმიანობაში.

ოცნებას კაცი არ მოუკლავს!..

როლანდ ჯალალანია



ლოტო

პიტიბიზანი

დამწყებ



ვინც სად მუშაობთ,  
ყველანი იქვე  
მრავლად შეხვდებით  
ქლესას და მლიქვნელს.  
ზოგჯერ ჯველნი  
მათ ბრძად ბაძავენ —  
მღვრიე სდის წყალი  
მღვრიე სათავეს.  
მავენი ცდილობს,  
რომ უფროსის  
მოიგოს გული,  
ცდილობს, რომ მიხვდეს  
იმის ყველა  
განზრახვას, სურვილს.  
ვთქვათ, დაასწარით  
უფროსს თქვენსას  
გაღება კარის —  
ფუჭი შრომაა,  
თქვენ ამჯერად აგექცათ  
მხარი!


ამ გულუბრყვილო  
წადილს იგი არაფრად  
ჩათვლის,

იფიქრებს:  
თითქოს გევალებათ  
ეს საქმე შტატით.  
არსებობს კიდევ  
მეთოდები  
უფრო უხეშიც,  
როცა პირდაპირ  
ვუვარდებით  
უფროსს მუხლებში.  
მლიქვნელობასაც ნიჭი უნდა,  
აღლო ჭირდება,  
ნიჭის გარეშე  
მლიქვნელებსაც  
გაუჭირდებათ.

დამწყებ მლიქვნელთა  
საშველად და დასახმარებლად  
გვსურს რამდენიმე შეგონება,  
არ გვეზარება!



მიაქვს ბაგესთან —  
აღარ ჩერდება,  
რაკი ერთხელ  
ენას ალესავს...  
ამ დროს  
ვილაცა იყვირებს წყრომით  
— მომხსენებლო!  
რეგლამენტი გავიდა მგონი!  
თქვენ სწორედ მაშინ  
ადგებით მყისვე  
და მოიღერებთ  
უტიფრად კისერს:  
იტყვით,  
რომ სიტყვა მომხსენებლის  
შხესავით ელავს  
და ამიტომაც  
მოვუსმინოთ  
ბოლომდის ყველამ!  
უფროსი იგი  
ამის მერე აღარასოდეს



არ დაგივინყებთ,  
შეგნიშნავთ და  
დაგიმახსოვრებთ!  
თუ ხელმძღვანელი  
რალაც სიტყვის თქმას  
ეპირება,

ხელში ჩაიგდეთ  
ხელნაწერი აუცილებლად  
და შეხვედრისას  
ჩაუკარით ღიმილით თვალი,  
ხმა დაიშაქრეთ,  
ძალიანაც  
რომ იყოთ მწყრალი:  
„სიტყვა კი არა,  
რომანია,  
ნაღდი შედეგრი,  
თქვენ პოეტი ხართ,



ო, ამდენი  
როგორ შეძელით?  
„ანტიდიურიგს“  
ამ თხზულებას  
ვერც შევადარებ.  
ეს ბრძნული აზრი,  
ეტყობა, რომ დიდხანს  
ატარეთ!..“

უფროსი იგი  
ამის მერე  
აღარასოდეს  
არ დაგივინყებთ,  
შეგნიშნავთ და  
დაგიმახსოვრებთ!  
თუკი შემთვრალი ხელმძღვანელი  
შენიშნოთ გზაში,  
მანქანით მოდის  
ლამაზმანთა თანხლებით,  
მაშინ  
კედლის გაზეთში  
გამოაცხვეთ სტატია ხელად,  
რომ დროა,  
ჩვენთან  
დროის ფასი ისწავლოს  
ყველამ,  
რომ დროა, უკვე  
ჩაუკვირდეს  
ამ ამბავს კარგად,  
ვინც სამსახურში  
ფეხით დადის  
და დროსა კარგავს!..  
შენ ამის მერე  
თავი ქუდში  
რომ გაქვს, იცოდეთ,  
უფროსი იგი  
მონყალე ხელს  
გამოგინოდებს!..  
და თუკი არ გსურთ  
პირფერად და მლიქვნელად  
ყოფნა,

პირს ნუ აიკრავთ,  
ნუ ჩაუვლით  
გულგრილად გვერდით  
უმსგავსოებას, სისაძაგლეს,  
ნუ მოიქცევით  
იმგვარად, როგორც ცოტა ზევით  
ამ ლექსში ვწერდით!

თარგმნა თეოდო ბაქიშვილმა  
ილუსტრაციები ზ. ჯორჯნიძისა







# ბარათები „ნიანგო“

ვცხოვრობთ თბილისის ცენტრში, გალაკტიონ ტაბიძის № 12 სახლში. ოთხიოდე წლის წინათ ამ ჩვენს ორსართულიან და ორსადარბაზოიან სახლს ერთი სადარბაზო ჩამოაცალეს, მინგრეულ-მონგრეული კედელი შენიღბეს, დერეფნებში ჭერს ხის ბოძები შეუყენეს და დატოვეს ასე. თითქმის ყველა ბინა ავარიულ მდგომარეობაშია, წვიმის დროს, როგორც გარეთ, ისე ჩამოდის ოთახებში წყალი. გვიღებება და ნესტიანდება კედლები, ავეჯი. ხის ბოძებიც უკვე დაღმა. ვჩივით. კომისიას კომისია ცვლის, მდგომარეობა კი უცვლელია.

რა გვეშელება, ნიანგო?

ტაბიძის ქ. № 12 სახლის მოვინადრენი: ნ. სიმაკოვი, ვ. ლუბაჟინი, ვ. შარვაშიძე, ლ. ბაბრაშინი, ვ. ტაპოვა, ა. გიბრაძე.

გორიდან განუხებთ, ცხინვალის გზატკეცილის № 41, 45 და 47 სახლებში მცხოვრებნი. სამივე სახლის მოვინადრენი ხელშეკრულებით ვიყავით წასულები მშენებლობაზე ვოლოგდის ოლქში იმ პირობით, რომ მივიღებდით ბინებს. ბევრი თმენისა და ლოდინის შემდეგ, როგორც იქნა, მართლაც მივიღეთ აღნიშნულ მისამართზე ბინები, მაგრამ როგორი, ნულარ იკითხავთ. არაფერს ვამბობთ მათ ხარისხზე. შეგვიპირდნენ, რომ მალე გვექნებოდა გათბობა და ცხელი წყალი. თუმცა ცხელ წყალზე ვინლა ჩივის, როცა ცივიც გვენატრება. სახლიდან 700 მეტრის დაშორებით ვეზიდებით სასმელ წყალს.

რა ვქნათ, რა წყალში ჩავვარდეთ უწყლობით შენუხებულები, ძმაო ნიანგო?

ც. ბასილაშვილი, ზ. შატაკიშვილი, ტ. ნიქარიძე, დ. ამირიძე და სხვები

რუსთაველი, რუსთაველის ქ. № 33 სახლის უკან, ეზოში სამმა მოვინადრემ თვითნებურად ააშენა ავტოგარაჟი. არც სათანადო ნებართვა აქვთ და არც რაიმე საბუთი. ვიჩივლეთ და ქალაქის საბინაო ტრესტის წარმომადგენლებმა ერთს მოუხერხეს გარაჟი და დატოვეს ასე, ნახევრად დაშლილ-დანგრეული, ორი კი დარჩა ისევ ხელუხლებელი. სად არ ვიჩივლეთ, ვის არ მივმართეთ, გვიპირდებიან აუცილებლად დავანგრევიანებთო, მაგრამ გარაჟები ისევ დგანან. ამ ბოლო დროს კი მათმა პატრონებმა თქვეს გარაჟების კოოპერატივს ვქმნით და სადაც გინდათ, იქ გვიჩივლეთო. ჯერ ერთდ, გარაჟების ამხანაგური მშენებლობა ქალაქში კარგა ხანია დაიწყო ორგანიზებულად და მას სათანადო შესაფერისი ადგილიც მიუჩინეს, მეორედ, ვის აქვს უფლება საერთო ეზოში დადგას გარაჟი და შექმნას კოოპერატივი?

რუსთაველის ქუჩის № 33 სახლის მცხოვრებნი



(ქ. რუსთაველი)

შავიძინე სკამი, რომელიც მარაღის ავეჯის ფაბრიკის ნახალაშია (ამას უწოდებენ ჰქვიან!). ჩემი აზრით, სკამის დანიშნულება ისაა, რომ მასზე ადამიანი დაჯდეს. ჰოდა, დავეჯეი თუ არა, სკამი ერთბაშად დაიშალა.

მაღაზიაში, სადაც ეს სკამი ვიყიდე, მეუბნებიან, იმ ფაბრიკამ უნდა აგინაზღაუროს ზარალი, რომელმაც ეს უღლეური სკამი გამოუშვაო. ფაბრიკიდან კი შემომითვალეს — ჩვენ ასეთ სკამებს ვუშვებთ, გინდ დაჯეი და გინდ ნუ დაჯდებიო! მე უკვე დავეჯეი და დაიშალა კიდევ, ახლა როგორღა მოვიქცე?

მიხეილ ქაშიბაძე  
(ქობულეთის რაიონი)

ნახ. მ. აბაშიძისა







— ე მაგ შენ ტელევიზორსა რა ჰქვია?  
— რავი, აბა, თუ გამოდგა, მა-  
მაჩემის სახელს დავარქმევ!

### მედლის „არაჟანოებისათვის“ კაპუტკო

(ინფორმაციები რუსთავიდან)

**მას შეეძაბა,** რაც გამოვიდა ცნობილი დადგენილება ლოთობისა და ალკოჰოლიზმის წინააღმდეგ ბრძოლის გაძლიერების შესახებ, რუსთავ-ქალაქში ლოთებისა და ალკოჰოლის მოყვარულთა რიცხვმა საგრძნობლად იკლო, სამაგიეროდ ზოგი მსმელი უფრო დახელოვნდა დაღვევაში და პროფესიონალი გახდა. ამჯერად „ნიაგის“ მკითხველებს ვთავაზობთ იმ გამოუსწორებელ ლოთთა არასრულსიას, რომლებზედაც არც ხვენწა-მუდარამ, არც მუქარამ, არც სასჯელმა და არც მკურნალობამ არ გაჭრა (სწორედ მათზეა ნათქვამი — „შეაყარე კედელს ცერცვიო“).

აი ისინიც:

**ზორის ტიომთას ქა სტოროჟანკო,** 1953 წელს დაბადებული, ლოთობაზე თავდადებული, სამედიცინო გამოსაფხიზლებლის არცთუ სასურველი, მაგრამ ხშირი სტუმარი, არც ლოგინი უყვარს, არც სასთუმალი, ორჯერ სტაცეს ხელი ქეჩოში და ორჯერ გაგზავნეს სამკურნალოდ საგარეჯოში.

**თენგიზ ალაქსანდრას ქა მანაგაძე,** 1947 წელს დაბადებული, რუსთავის მექანიკური ქარხნის ვაიმუშა, მისი მიზეზით საქმე ბევრჯერ ჩაიფუშა, სამკურნალოდ გაგზავნეს ერევანში, მაგრამ იქაც აიღო რევანში, იმარჯვა სმაში და ჭიქების მტკრევაში.

**იური ივანეს ქა კლოკოვი,** 28 წლის, მთვრალი ფეხზე დგას ძლივს, მერე ეცემა ძირს, არაყზე ვერ ათქმევინებ ძვირს, ძალა და ღონე სმას შეაღია, ამჟამად უმუშევარია, ერევანში სამკურნალოდ გაგზავნეს ორი წლით, იქ წყურვილს იკლავს წყლით.

**გია მიხეილის ქა ბარიშვილი,** 36 წლის, მანანწალა, ღვინომ ბევრჯერ აბანცალა, ისიც ერევანშია გაგზავნილი სამკურნალოდ.

**მიხეილ გაბრიელის ქა ლუხანი,** 56 წელს მიღწეული, ლოთების წრეში მსმელი ღირსეული, სულ ექიმები ჰყავს შისეული, არსად არ მუშაობს, ღალატობს და გულშეაგობს, ცხოვრობს ზაქარია შვილის ქუჩაზე და სიმთვრალეში უყვარს სიმღერა „დამისხი, დამალევიწე“.

**ნოდარ ვალვას ქა ბროქალი,** რომ დათვრება სახლი ჰგონია ბოსელი, მიყრი-მოყრის ბოთლებს და ყანწებს, მერე ხან ფეხზე დგას, ხან წევს, მუშაობს ლითონკონსტრუქციების ქარხანაში, ხშირად ვარეთაა, ხანდახან — შინ.

**მიტო ამაიაკის ქა ავაჯანოვი,** პენსიონერი, მეორე ჯგუფის ინვალიდი, პირველი კატეგორიის ლოთი, კატეგორიულად ვერ იტანს სიფხიზლეს, ინვალიდობის რას უშლის ჯგუფი, უყვარს შფოთი და ჩხუბი, არის 46 წლის, ეტანება ღვინოს და წნილს, რამეს რომ ეტყვი, წყინს. ორჯერ იყო გამოსაფხიზლებლის სტუმარი.

**იური ივანეს ქა გუდაევი** — მუშაობს „საქმე-ქანომონტაჟის“ მემონტაჟედ, მაგრამ მონტაჟისთვის სადა სცალია, მოკვდება თუ არ დალია. გამოსაფხიზლებელში სამჯერ გაათია ღამე, მაგრამ ჰკითხეთ, თუ ახსოვს რამე.

**ვლადისლავ ვასილის ქა კუზლინსკი,** 25 წლის, უსაქმური, უყვარს მუქთა ლუკმაპური, ადრე ნასამართლევი, ამჟამად მკურნალობს საგარეჯოში.

**თეიმურაზ ნიკოლოზის ქა ელიკაშვილი** — ხან სად მუშაობს, ხან — სად. მშობლებს გაუხდა თარსად, სასმელს არ ემალება არსად.

**ტანისია ანანიას ასული კეტიანკო,** ორმოც წელს მიტანებული ქალი, დაღვეს და არ ახსოვს სახელი, გვარი, მუშაობს რუსთავის სამშენებლო-სამონტაჟო სამმართველოში მღებავად, თან კედლებს ღებავს, თან არცხვენს ქალის სახელს.

**ფრიდონ მაჭარაშვილი,** შს, რუსთავის საქალაქო განყ-ბის სამედიცინო გამოსაფხიზლებლის უფროსი.

ნახ. ბ. პატარიშვილისა



უხიტყვოდ





— ყველაფერი რომ გაზიდეს, ახლა ლესავ ამ ხვრელს?!



თვითკრიტიკა

# ვახუშტის ბუკალი

## იუმორისკა

— რომ მითხარი, ყველა გამოგონებას პროექტი და გაანგარიშება სჭირდებაო, ა, ბატონო, მოგიტანეთ! ახლა რაღას იტყვი?! — ამ სიტყვებთან ერთად აღმასკომის თავმჯდომარის ფართო მაგიდაზე ვეებერთელა დაგრაგნილი ქაღალდები დაგორდა.

— არ იშლი ხომ მაინც შენსას?! — ისე ახედა თავმჯდომარემ სტუმარს, ეტყობოდა, პირველად არ ხვდებოდნენ ერთმანეთს.

— რას ჰქვია ვიშლი, ბატონო, წაიღო ქალაქი, ქარმა და არ ვუშველო?!

— არა, ეგ კარგი საქმე რაგვიფიქრებია, მაგრამ ზრუნვაშვილი ამბობს...

— ზრუნვაშვილის — სახელი არ გამაგონოთ! რა იცის მაგან, სიმამრმა უყიდა დიპლომი!...

— კარგი ახლა, გამომგონებული კაცი ხარ და ნუ იცი ასეთი ახირებული ლაპარაკი! ქალაქის მთავარმა არქიტექტორმა თუ არ იცის, მე რა...

— როგორ გეკადრებათ, ბატონო გიგა! თქვენა ხართ აქ უფროსი, „მერგოროდა“ და თქვენ უნდა დაამტკიცოთ ეს პროექტი, თანაც ზრუნვაშვილი აქაური კი არა, ტყიბულიდანაა ჩამოსული და რა ენაღვლება ჩვენი ქალაქი?!

— უკვე დამტკიცებას ითხოვ?! აკი თვითონვე გიეჭვებოდა?!

— ჰო, პირველი ალბათ მართლაც საეჭვოა.

— როგორ პირველი?! მეორეც გაქვს?!

— აბა, არა?! ერთხელ კიდევ გადავიანგარიშე და, მართლაც, ძვირი დაგვიჯდებაოდა, ქალაქის გარშემო რომ ჩინეთის დიდი კედელივით აგვეშენებინა ქარსაცავი სარტყელი. ამიტომაც ახლა მეორე, უფრო რაციონალურსა და უნიკალურ პროექტს გთავაზობთ.

— კაი, კაცო!

— ნამდვილად! ა, ბატონო, ნახეთ, ყველაფერი გაანგარიშებული და დაფიქსირებულია. ჩვენს ქალაქს ქარი ძირითადად აღმოსავლეთიდან ურტყამს. ხომ ასეა? ამიტომაც უნდა ავაგოთ დიდი და ფართოთავიანი ძაბრი, რომ მთელი ეს აღმოსავლეთიდან მოწოლილი ქარი ქალაქს ავარიდოთ და ამ ძაბრში გაფუშვავთ შლიგინ-შლიგინით.

— მერე, საით გინდა მიუშვირო ეს ქარი?

— საით და აგერ, სამტრედიისაკენ.

— რას ამბობ, კაცო! ხომ წაღეკა სამტრედია ამ ქარმა!

— წაღეკა და წაღეკოს!

— კი მაგრამ, რა დაგიშავეს ასეთი სამტრედიელებმა, შე უღმერთო?!

— რა დამიშავეს და, ქალი არ გამომატანეს ახალგაზრდობაში, ქალი!



# „გაჩაგურაყრო“ ვაჟის მიხროკორს

ფელეტონი

ქუთაისში და წყალტუბოს ზონაში რომ იკითხო ჩემი გვარი და სახელი — არტემ გოგობერიშვილი როგორი პურმარილიანი კაცი, დიდი და პატარა სალოკ თითს ყველა აი, ასე გამართულს გიჩვენებს. ახლა იმას არ იკითხავ, №2 ტრესტის „ყოფრემშენის“ წყალტუბოს სამმართველოს სისტემაში, სადაც მე ვმუშაობდი კაი ხანი უფროსობა როგორ მაფასებდა...

— მაინც ვერ გაიგე, ჩემო იმანო, რაშია საქმე? კი, ბატონო, ახლავე მოგახსენებ.

ქუთაისში ჭავჭავაძის გამზირის №39-24 ბინაში ვცხოვრობ. კი, კარგი ბინა მაქვს... როგორც მოგახსენე, ვმუშაობდი №2 ტრესტის „ყოფრემშენის“ წყალტუბოს სამმართველოს გეგუთის №5 საქმიანი ეზოს მუშა-ბრიგადირად. ჰოდა, 1987 წლის 7 დეკემბერს კლიენტი ბუღ ავალიშვილი (მისი გვარი შემდეგ გავიგე) მიწვია. ასე და ასე, ჩემო არტემ, მშენებლობას ვანარმოებ და აბა შენ იცი, წინვოვანი ჯიშის ხის მასალა მინდა 2,5 კვ მეტრი იატაკისთვისო და 32 გრძივი მეტრი „პლინტუსიო“. 780 მანეთი დაგიჯდებათ-მეთქი. ბატონი ბრძანდებო. ორი დღის შემდეგ დავიბარე. დანიშნულ დღეს მოვიდა ბუღ ავალიშვილი. მან 780 მანეთი ჩამითვალა. მეც შეევეთილი მასალა ჩავაბარე. დატირთა ავტომობილი მასალით. კარგად იყავიო, — დამიბარა და წავიდა. მისი წასვლიდან 30 წუთიც არ იყო გასული, კანტორის ფანჯრიდან ვხედავ, ბუღუია ისევ დაბრუნდა მასალით დატირთული ავტომანქანით. თან მილიციის ორი მუშაკი ახლდა. გულმა რეჩხი მიყო. აქ ფარსავათ არ იყოს საქმე-მეთქი. ისე აგისდეს ყველაფერი. მილიციის მუშაკებმა ასე და ისეო, მასალების პრეისკურანტი, ე. ი. ფასების სისწორე უნდა შემოწმდესო. ბატონი ბრძანდებო-მეთქი. თან სიტყვაც გავუტრიზავე: — სასწორის სისწორე მწონავებ კიდა-მეთქი. ე. ი. აბა, თქვენ იცით და მეც აგერ ვარ-მეთქი. მათ თითქოს ვერაფერი ვერ გაიგეს, აქტი გამიშანშალეს. ნომერიც კი დაუსვეს 005110. იანგარიშეს და მასალის ნამდვილი ღირებულება. რომელიც ბუღუია ავალიშვილს მივყიდე, 730 მანეთი და 43 კაპიკი გამოიყვანეს. შენეო, მითხრეს, ზედმეტი აიღე 49 მანეთი და 57 კაპიკიო. აქტზე ხელი მომანერინეს და ისიც კი დააყოლეს, ვინ იცის ასე რამდენი კლიენტი გყავს გაცურებულო. მეც კაი კაეზი ვუთხარი: ქურდს თუ ვერ დაიჭერ, ქურდი არ არის-მეთქი. აბა, როგორ, მეც მესმის რაღაცა...

წყალტუბოს რაიონის სახალხო სასამართლომ 1988 წლის 18 იანვრის განაჩენით ფასების დამახინჯებისათვის 400 მანეთით

დამაჯარიმა, თან 4 წლით ჩამომართვა სავაჭრო ტრეზორის დოებრივი კვების, მოსახლეობის საყოფაცხოვრებო მომსახურების და კომუნალური მეურნეობის სანარმოებში თანამდებობათა დაკავების უფლება. ესაა საქმე?

ოთარ ბუცხრიკიძე ჩემი ძმაცაცია-მეთქი ვერ ვიტყვი, მაგრამ არც უმაგისობა... ისიც ქუთაისელია, ცხოვრობს ჩანჩიბაძის ქუჩის №72 სახლში. ორივენი ერთ წელსა ვართ დაბადებული. ორივენი ერთი ორგანიზაციიდან ვართ — ის №2 ტრესტის „ყოფრემშენის“ წყალტუბოს სამმართველოს ქვიტირის მოზაიკური კიბის საფეხურებისა და საზეინკო სააქქროს მუშა-ბრიგადირად მუშაობდა. მხოლოდ ესაა, ჩემსავით უმაღლესი განათლება არ ჰქონდა. გასული წლის 9 დეკემბერს (ორივესათვის დეკემბერი წავსიანი გამოდგა) ბუცხრიკიძემ დამკვეთ აიღლა გუბელაძეს 7 ცალ მოზაიკური კიბის საფეხურში ნაცვლად 102 მანეთისა და 20 კაპ. გადაახდევინა 112 მანეთი, ე. ი. ზედმეტად აიღო რაღაც 9 მან. და 80 კაპ.

წყალტუბოს რაიონის სახალხო სასამართლომ ოთარ ბუცხრიკიძე 1988 წლის 15 მარტის განაჩენით ჩემსავით 400 მანეთით დამაჯარიმა, ოღონდ სავაჭრო თუ საზოგადოებრივი კვების, მოსახლეობის საყოფაცხოვრებო მომსახურების და კომუნალური მეურნეობის სანარმოებში თანამდებობათა დაკავების უფლების ჩამორთმევის გარეშე.

გული რაზე მწყდება, ჩემი იმანო, იცი? ვიკადრე და ეს უმაღლესი განათლების მქონე კაცი მუშა-ბრიგადირად გავფორმდი და ვმუშაობდი. სასამართლოს ხომ უნდა გაეთვალსწინებინა თავის განაჩენში საშელავათო გარემოებად ჩემი ცოდნა და განათლება? კი. ხომ არ უნდა ჩამოერთმია ჩემთვის სავაჭრო ორგანოებში თანამდებობების დაკავების უფლება? არა. მით უფრო, რომ ჩემს უფროსებსაც გული დანყდათ ჩემზე. რა გვეშველება უშენოდ... კი, ასეა ეს.

— არ ვარ სწორი? შენ რას იტყვი, ჩემო იმანო? მინაწერი: ვეთანხმებით სასამართლოს მიერ „დაჩაგრულ“ არტემ გოგობერიშვილს, რომ №2 ტრესტის „ყოფრემშენის“ წყალტუბოს სამმართველოს მესვეურნი ერთობ გულმონყალენი ყოფილან, რაკი ასე ადვილად ურიგდებან ისინი თავიანთ ობიექტებზე ფასების სისტემატურ დამახინჯებებს. „საქციელი სარკეა, რომელშიც თითოეული თავის სახეს უჩვენებს“ — ამბობს გოთე.

ზაალ მასხაფრისარი  
საქართველოს სსრ იუსტიციის სამინისტროს  
უფროსი კონსულტანტი

ნახ. მ. კუციანსი

## მლიქვნელობა!

— ძირს



## ნახუროცი სკალიშვილიანთა

სუსტი ნიგნავის ავტორს

ხუთი ნიგნი გამოუშვა პოეტია, ვერას იტყვი.  
ხუთივეში რაც წერია, ხუთი სიტყვი გამოითქმის.

საკუკულანტს

თავს — ცილინდრი, ყელს — შალსტუხი, მეტი რაღა უნდა ვახოს,  
სამარცხენო საქმეს სჩადის, სჯობს ცოცხლადვე დაიმარხოს!

დასლკვეშ მოვასრა გამაჩიდეულს

გაუყვირდა გრამიტონას, როცა თავი აიწონა,  
უნინ ჰქონდა კაცის წონა და გამხდარა ხარის ტოლა.

ჯოგირათი ლექტორის ქალიშვილს

— კომისიაში არ იყო წელს ძვირფასი მამიკო,  
აგარაკზე რით წავიდეს, — ბუზღუნებდა დარიკო.

ტაქსის მძღოლის შვიგონება

ულვაშიანმა ვაჟკაცმა, ხელი გამომიწოდა,  
ხურდას მიხვდა საწყალი, სირცხვილით არ იწეოდა.


საქმოსანს

სკოლა ძლივსლა დავამთავრე, სულ ვიყავი სამოსანი,  
საქმეს ვჩარხავ როგორც მინდა, მე გახლავართ საქმოსანი.

ოთარ ნაჭაბია  
(ქ. სოხუმი)



**ინსტიტუტი  
საქართველოს  
დენთის**



(კოლიტიკური ფელეტონი)

ნაილა იმით, იარაღს, ნუ აჟღარუნებო სპარსეთის ყურეში, უთხრეს ჯერ კიდევ შარშან ძია სემს, მაგრამ, თქვენც არ მომიკედეთ, არ შეუშვა ყურებში ახლა კი, როცა საომარი კლავ ახრჩოლდა დენთი და მოხდა ინციდენტი, გულზე ხელს იდებს და ისე იფიცებს პრეზიდენტი, არაო, ჩვენი არავინ ტყულობო, არც კრეისერი და არც წყალქვეშა ნავიო, ჯიუტად შემოგვეტენა თვითონ ირანის თვითმფრინავიო. ავიაკომპანია „ირან აერის“ უთუოდ ენადა ასეთი სეირიო, თვითმფრინავის 298 მგზავრში, ვიცით, ბევრი იყო ბავშვი, მაგრამ ჰაერში სასეირნოდ მათ არ ჰქონდათ საშუაო, ამასვე დასძენენ მთავრობის მოხელენი და კონგრესმენები ხან სხარტად, სწრაფად, ხან სვენებ-სვენებით, რა მოხდა, ხუმრობაშიც ხომ კვდება კაციო, აქ კი ხაზი ვერ შევნიშნეთო სადემარკაციო. სამხედროებიც მუნდირებს ისწორებდნენ, შეცდა რადარიო და ამის გამო ასეთი ხმაური რად არიო.

ამერიკული ფლოტის აღვირახსნილი მოქმედების საყოველთაო დაგმობის და გლოვის ფონზე დასავლეთის ჟურნალისტები ამაოდ ცდილობენ შეთხზან მივიწყებული „საბჭოური მუქარის“ მითები, ამაოდ ირჯებიან, იმპერიალისტურ მჩხავანა ყვავს მთარგონ მტრედის თეთრი ფრთები... უადგილო ანალოგიას მიმართავენ.

გახსოვთო, სამხრეთკორეული ბოინგო, ხელს აქეთ იშვებენ, ჩვენ როდი დაგვაბნევსო დროისა და ადგილის სიშორე. რა მოხდა, თუ ბოინგმა ხუთასი კილომეტრით გადმოუხვია ტრასიდან და შემოფრინდა თქვენი ტერიტორიის თავზე, როგორც მსტოვარი, ხომ უნდა გაგეგოთ, იქნებ რა მოქონდა თქვენთვის ღირსსახსოვარი? ისიც უნდა აგეტანათ იოლადა, რომ ის ამერიკის სადაზვერვო თვითმფრინავს მოუძღვოდა გზაშეკვლევად, განა რა დაშავდა,

თუ მან შუქამქრალმა ათი ათას მეტრ სიმაღლეზე გადაუფრინა კამჩატკისა და სახალისის თავდაცვის ობიექტებს, თქვენ კი რა ჩაიდინეთ — ჩამოსადგებად სულ იოლად გაიმეტეთ. მართალია, ორივე თვითმფრინავს ერთნაირი ჰქონდა ფორმაც, ფრენის რეჟიმიც და გაბარიტებიც, მაგრამ ლამითაც კი ვალდებული იყავით გაგერჩიათ, რომელს მოქონდა საშიში ტვირთი და რომელს უზადო მარგალიტები. აკი იმდაც შეგრაცხეს ჩვენმა მმართველმა წრეებმა ბარბაროსებად და მთელ მსოფლიოს მოსდეს თქვენი საქციელით თავიანთი გოცება.

ამ დემაგოგიამ წაიცდინა ბრბო, მანანალები და ვიგინდარები — საბჭოთა წარმომადგენლობებს ამერიკაში ყველგან უმტვრიეს კარები...

ახლა ვაშინგტონში სულ სხვანაირად ივლება ანკეტები მათი, ვინც ასე ბუღიავად დაძრა რაკეტები, იხაზება სქემები სროლის ტრაექტორიების, ისინჯება რუკებზე სხვა ტერიტორიები.

ბოდიშობენ, დღისით-მზისით თვალები დაგვეფსოო, ვეღარ ვარჩევდით სამგზავრო და სამხედრო თვითმფრინავებსო, ვერც რადიოსიგნალები ვისმინეთ, ვერც საგაბარიტო მუქები შევნიშნეთო და ვერც მისი ფერიო და მტრად მივიჩინეთ მგზავრებით სავსე ავიალანერიო.

და როცა საყოველთაო გლოვის დაუდგა ირანს დღენი, ამერიკა თავის „დამოუკიდებლობის დღეს“ აღნიშნავდა საზეიმო ჩირაღდნებით.

სწორედ ეს — სხვათა უბედურების დღეებში გამართული ზეიმის ჰიკი აფიქრებინებს ამერიკის პროგრესულ მოღვაწეებს, რომ მომხდარი ინციდენტი შეცდომაა არა ტექნიკის, არამედ პოლიტიკის.

ალგუჯა მირაბიხვილი

საბჭოთა და იუზოვსკის შურნალი „ნიანგა“ №17 (1771) სექტემბერი გამოცემის 1923 წლის ივნისიდან.

მთავარი რედაქტორის მოადგილე გავან სინხარულიძე

სარედაქციო კოლეგია:

**ავთანდილ ადგიშვილი**  
(პასუხისმგებელი მდივანი),  
ვახუა ამირჩიბი, ნოზალი ბართაია, ჯაურ ბოლქვაძე (მთავარი რედაქტორი), ბორის გურგუშლია, რევაზ თვარაძე, ჭემალ ლოლუა, ნოდარ შალაზონია (მხატვარ-რედაქტორი), ალექსანდრე სამხონია, ჯანსუღ ჩარკვიანი, თამაზ წიფჩივაძე, ნაფი ჭუსხოთი.

ტექნიკური რედაქტორი ირაკლი ლუნდუა

გადაეცა ასაწყობად 01. 08. 88 წ. ხელოვნური-ლია დასაბეჭდად 09. 09. 88 წ. ქალაქის ზომა 60x90/8. ფიზიკური ნაბეჭდი ფურცელი 1,5. სააღრიცხვო-საგამომცემლო თავბანი 1,9, საქართველოს კავშირის გამომცემლობა, ლენინის 14, შეკვ. 1970. უკ 04795, ტირაჟი 137500. ქურნალი გამოდის თვეში ორჯერ. რედაქციაში შეგოსული მასალები ავტორებს არ უბრუნდებათ.

ჩვენი მისამართი: 250008. თბილისი-8, რუსთაველის პროსპექტი № 42.

**ტელეფონები:** მთავარი რედაქტორის — 99-55-54, მთ. რედ. მოადგილის — 93-19-42, პეკ მდივნის — 93-10-78, მხატვარ-რედაქტორის — 99-02-38, განყოფილებათა ვაგვეების — 93-49-32, რედაქტორ-ლიტმუშაკების — 99-02-38, მდივან-მეგან ქვანის — 99-76-69.

სატირიკო - юмористический журнал «НИАН-ГИ» (На грузинском языке). Тбилиси, пр. Руставели № 42. Издательство ЦК КП Грузии, Ордена Трудового Красного Знамени типография издательства ЦК КП Грузии, Тбилиси, улица Ленина № 14.

ფასი 20 კპ. ინდექსი 76137